

(anni) in qua si havia da si abdicato de la Republica, nè si feva tuor di Zonta ni altro. Atendeva a viver, scrivendo sempre fin l'ultima hora de la sua egritudine lettere optime e ben composte, piene di ogni eruditione. E questo è numero 35 di quaranta uno fo a la creation dil Principe nostro, che con Soa Serenità restano *solum* 5 vivi. Fo sepulto a di 30 a San Salvador, dove erano le so arche, in uno deposito, con degne exequie.

184* *A di 29 Domenega.* La matina, vene in Colegio el reverendo Episcopò di Cremona, domino Hironimo Trivixan, fo di sier Baldisera, abate di San Thomà di Borgognoni, con tutta cha' Trivixan *dil Seajon*. Qual sentato apresso el Principe, fece una oration molto longa, et lo vi fui a udirlo, dolendosi de la impetratione havia fato el reverendissimo Pixani de ditta sua abatia, qual era *jus patronatus* de cha' Trivisan (per) la qual jurisdiction questi soi parenti da cha' Trivixan useriano le rason sue; ma lui era venuto dal Principe, come christianissimo, aziò tolesse la defension de quella soa abatia, che lui havia fabricata et con gran afanno suo, et soportato penuria per redurla fabbricata come l'è al presente; poi dotata di monaci, de la qual li costa, et non ha intrata, e dovendo andar in comenda, saria danno e ruina di quella; e incumbere al Principe questo, pregando sia mandati 8 over 10 dil Colegio a vederla. Et disse l'era stà tradito da questi devoradori Pixani, perchè chi tuol quel di altri, la chiesa non permete habino mai ben; et che sia *jus patronatus*, esso Cardenal medesimo lo dice in le bole *ut patet*; et che se domino Alvix Pisani vol renonciar per suo fiol le bole, lui se oferisse monstrar le raxon hanno questi so' parenti, con altre parole; et che 'l Pixani li à ditto mostri le so raxon; li ha fato responder mostri le raxon dil suo banche che lui gè mostrerà le sue; con altre parole, suplicando el Doxe come cristianissimo toy la protetion, come de *jure* la dia tuor. Et poi sier Andrea Trivixan el cavalier consier, disse, da matina loro da cha' Trivixan verano a dir le raxon sue, et *alias* el ducha di Ferrara volse uno di soi fusse abate: el Stato saltò suso, fo mandà uno missier Giacomo Trivixan ambador a esso Ducha, a dirli restasse *aliter* si faria provisione. Poi el Doxe rispose poche parole, che si saria con li Savi, et se consulteria la cosa. Et nota: prima esso Abate parlasse, fece far nota per uno Bonifacio nodaro, come per questo non intendeva far alcuna parola contra la volontà dil Pontefice, nè Sede Apostolica; ma *solum* per aver ricorso al Doxe co-

me capo di questo Stado; con altre parole, de le qual fu fato solenne instrumento. Et per quelli da cha' Trivixan fo usato alcune parole, che non lo soportariano mai altri che loro havesseno questa abatia.

*Questi da cha' Trivixana dal Seajon
sono in Colegio*

Sier Andrea Trivixan el cavalier consier, qu. sier Tomà procurator.

Sier Stefano {
Sier Michiel { Trivixan qu. sier Nicolò.

Sier Hironimo Trivixan qu. sier Domenego.

Sier Domenego Trivixan qu. sier Stefano.

Sier Piero Trivixan qu. sier Silvestro.

Sier Domenego Trivixan qu. sier Zacaria e fradeli Beneto et Zuanne.

Sier Vido Antonio Trivixan qu. sier Marco.

Sier Polo Trivixan qu. sier Andrea.

Sier Hironimo Trivixan qu. sier Andrea.

Sier Zorzi {
Sier Sebastian { Trivixan qu. sier Baldisera.

Sier Stefano {
Sier Polò { Trivixan qu. sier Vincenzo qu. sier
Sier Zuanne { Marchiò.

Sier Nicolò { Trivixan qu. sier Piero qu. sier Za-
Sier Alvise { caria.

Sier Sebastian Trivixan di sier Piero, qu. sier Silvestro.

Poi partite dito Episcopo di camera di Colegio, 185 et sier Anzolo Trivixan era li, qual *etiam* è di questo colonnello, ma non comparse per esser ancora excomunicato, et andò in sala di là. Hor li parenti di l'Abate di San Gregorio comparseno dolendosi *etiam* questo cardenal Pixani havia impetrato la soa abatia, e si dovesse proveder, perchè non se dia far queste cosse.

Vene el procurator di Santa Marina, dicendo haver fato butar el campaniel zoso porchè era vechio, et voleva poter aver di Padoa 100 miera de piere. A l'incontro sier Andrea Griti procurator savio dil Consejo li fo contrario, aziò si compia la fabbrica di Padoa; sichè nulla li fo concesso. Doveva domandar 10 miera, e a poco a poco li saria stà concesso.

Da poi disnar, fu Gran Consejo. Fato Capitano a Padoa sier Alvise Contarini el consier, 805, 583; sier Zuan Venier, cao di X, qu. sier Francesco dopio, 724, 696; sier Marco Minio, fo savio dil Consejo,